



Allakkap ullua: 18-06-2021  
Suliap nr. 2021 - 11175  
Allagaat nr. 17059694

Inatsisartunut ilaasortaq  
Anna Wangenheim Demokraatit  
/Maani

Postboks 1614  
3900 Nuuk  
Oqarasuaat (+299) 34 50 00  
E-mail: nap@nanoq.gl  
www.naalakkersuisut.gl

## **Nunanut allanut illersornissamullu politiki pillugit § 37 naapertorlugu apeqqummut nr. 070 2021-mut akissutit**

Asasara Anna Wangenheim,

Inatsisartut suleriaasianni § 37, imm. 1 naapertorlugu Naalakkersuisunut apeqquaqarputit. Naalakkersuisut apeqquutinut tullinnguuttumi issuarneqartunut akissuteqartinneqartunullu qujapput.

### **1. Kalaallit Nunaat namminerisaminik nunanut issittunut periusissiamik peqassava imaluunniit naalagaaffeqatigut peqatigalugit periusissiorortoqassava?**

Akissut:

Kunneqarfiup issittoq pillugu periusissaata suliarineqarnissaa pillugu danskit savalammiullu naalakkersuisuinik oqaloqatiginninnerit suli ingerlapput. Ataatsimoorluni issittoq pillugu periusissaliorortoqarnissaa suli aalajangiiiffingineqanngilaq.

#### **a. Nunanut issittunut periusissiornermut suliassaq qaqugu aallartinneqassanersoq qaqugulu naammassineqassanersoq Naalakkersuisut naatsorsuutigaat?**

Akissut:

1-mut akissut takujuk.

#### **b. Suliap ingerlanerani qanorinnikkut Naalakkersuisut Inatsisartut suliassamut ilanngutinnialersaarpaat?**

Akissut:

Inatsiartuni Ataatsimiititaliat attuumassuteqartut suliap aallartinneranit peqataatinneqarnissaa Naalakkersuisut isumaginiarpaat, periusissaq taaneqartoq aallartinneqassagaluarpat.

### **2. Naalakkersuisut isumassarsialattut isiginerpaat, kalaallit inuusuttut nunatta illersorneqarneranut peqataanissaminnut periarfissinneqarpata?**

#### **a. Naalakkersuisut Kalaallit Nunaanni illersornissamut ilinniarfimmik pilersitsinermi piorsaasoqarnerani sunik pitsaaquteqarsinnaasoralugulu akornuteqarsinnaasorivaat**

Akissut:

Nalunaarutigineqarnikuusutut Naalakkersuisut anguniagaraat Kalaallit Nunaata sakkulersorfiunnginnissaa. Naalakkersuisut pingaarnersiuillutik tulleriiarisimaneri danskit tungaannit paasilluarneqarput, tassungalu tunngasumik paasisat tassaapput Illersornissamut ministeriap ataani

sakkutuunngorniarluni ilinniarnarit sakkutuujunngitsunut upalungaarsimanissamut ilinniakkamut allanngortinneqarsinnaanngimmata.

**3. Naalakkersuisut nassuiaaquneqarput, ullumikkut inuusuttunut sakkutuunngornissaminnik kissaateqartunut tapersersuisarnerlutik?**

Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfimmiit ilanngussaq:

”Aallarniutigalugu Ilinniagaqarnersiutit pillugit Namminersorlutik Oqartussat nalunaarutaat nr. 9, 19. juli 2017-imeersumi § 42, imm. 1, nr. 5 naalakkersuisunit innersuussutigineqarpoq. Aalajangersakkami allassimasutut kalaallit ilinniagaqarniartut sakkutuussatut misilitsinnermut atatillugu angalanernut aningaasartuutisisinnaapput najugaqarnerminnullu tapiiffigineqarsinnaallutik.

Tamatuma saniatigut kalaallit ilinniagaqartut soorlu "Sunngu"-mi atuarneqarsinnaasutut soorlu elektriakeritut, mekanikeritut il.il. qallunaat illersornissaqarfiani ilinniarnerminnut atatillugu § 35, imm. 1, 1. pkt. aamma nalunaarummi tassani § 35, imm. 2 naapertorlugu Danmarkimut angalanertik aammalu naamassillutik ilinniagaqareermik kingorna angalanerminnut akiliunneqarsinnaapput. Tassani pineqartut tassaapput ilinniakkat kalaallit Nunaanni sakkutuujunngitsunut aamma atorneqarsinnaasut.”

- a. 2018-imi Illersornermik suliallit Kalaallit Nunaanni illoqarfinni arlalinni angalapput sakkutuunngorusuttunik katersillutik siunertaalluni kalaallit inuusuttut amerlanerusut sakkutuunngorniarnissaat. Nuummi inuit 42-t misilitsinnissamut ornigupput 2019-imilu taakkunannga 22-t sakkutuunngorniartut aallartillutik. Angalalluni sakkutuunngorusuttunik katersineq 2019-imi nanginneqarpoq. Naalakkersuisut paasissutissiissutigisinnaavaat, angalalluni sakkutuunngorusuttunik katersinnermut tullermut pilersaarutit suunersut?**

Akissut:

Sakkutuunngorusuttunik pissarsiortarnerit Illersornissaqarfimmit isumagineqartarput. Naalakkersuisut nammineq suliatik kisiisa pillugit akissuteqarsinnaapput.

- b. Naalakkersuisut isumaqarpat, angalalluni sakkutuunngorusuttunik katersinerit, suliniut pitsaasuusoq?**

Akissut:

Naalakkersuisut anguniagaraat Kalaallit Nunaata sakkulersorfiunnginnissaa.

- c. Angalalluni sakkutuunngorusuttunik pissarsiornarit Naalakkersuisut atorunnaarpat?**

- i. aammalu kalaallit inuusuttut qassit misilitsinnissaraluaq qatangiinnartinneqarpa?**

Akissut:

Naalackersuisut naalagaaffeqatigiinni oqartussanut tunngasunik aalajangersaanissaminnut piginnaatitaaffeqanngillat, tassunga ilanngullugu Illersornissaqarfimmut.


**d. Suliniutit suut Naalackersuisut aallartinnialersarpaat inuusuttut amerlanerusut sakkutuunngorniarnissaat anguniarlugu?**

Akissut:

3 c-imut akissut takujuk.

Inussiarnersumik inuulluaqqusillunga

Med venlig hilsen



Pele Broberg

Nunanut Allanut, Inuussutissarsiornermut, Niuernermut Silallu Pissusaata  
Allanngoriartorneranut Naalackersuisoq